

Morning Regional Dogri News Bulletin, 21st July 2024

मार्निंग डोगरी न्यूज़ बुलेटिन, समें. 09-20 Hrs

Headlines

1. प्रधानमंत्री नरेन्द्र मोदी होर अज्ज संजा नमीं दिल्ली च विश्व विरासत समिति दे 46में इजलास दा उद्घाटन करगंन।
2. कल शुरू होआ'रदे संसद दे बजट इजलास कोला इक रोज पैहले अज्ज सरकार नै सब्बने पार्टिं दी बैठक सददी दी ऐ।
3. उपराज्यपाल मनोज सिन्हा ते सेनाध्यक्ष जनरल उपेन्द्र द्विवेदी होरें जम्मू प्रांतै दी पूरी पराती सुरक्षा स्थिति दा जायजा लैने लेई कल उच्ची सतह् दिएं बैठकें दी अध्यक्षता कीती।
4. श्री अमरनाथें दी यात्रा पूरी चाल्ली रमानदारी ते बवस्था आले ढंगै सिर जारी, जम्मू थमां अज्ज बडलै 3 ज्हार 113 श्रद्धालुएं दा इक होर जत्था घाटी लेई खाना, सलाहकार भटनागर होरें पहलगाम च तैआरिं दा निरीक्षण कीता।
5. गुरु पुन्नेआ दे मौके पर अज्ज जम्मू प्रांते च बी केई आयोजन कीते न।

<><><><><><>

PM Delhi

प्रधानमंत्री नरेन्द्र मोदी होर अज्ज संजा 7 बजे नमीं दिल्ली दे भारत मंडपम च विश्व धरोहर समिति दे 46में सत्र दा उद्घाटन करगंन। इस मौके पर ओह सभा गी बी संबोधत करगंन। भारत पैहली बारी विश्व धरोहर समिति दी मेजबानी करै करदा ऐ। बैठक इस म्हीने दी 31 तरीक तोड़ी जारी रौहग। विश्व धरोहर समिति दी बैठक ब'रे च इक बारी हुंदी ऐ ते एह विश्व धरोहर सकमति कन्ने सरबंधत सब्बनें मामलें दे प्रबंधन ते विश्व धरोहर सूचि च शामिल कीती जाने आली थाहरें बारे फैसले लैने लेई बी जिम्मेदार ऐं इस दरान विश्व धरोहर सूचि च नमीं थाहरें गी निर्धारित करने, 124 मजूदा विश्व धरोहर संपत्तिं दी संरक्षण स्थिति रिपोर्ट, अंतर्राष्ट्री सहायता ते विश्व धरोहर निधि दे इस्तेमाल सने होरनें प्रस्तावें पर चर्चा कीती जाग।

<><><><><><>

Budget Session

संसद दे बजट सत्र शा पैहले केन्द्र सरकार नै सर्वदलीय बैठक सददी ऐ, जेहदे च सब्बने राजनैतिक पार्टिं थमां सैहयोग मंगेआ जाग तां जे दौनें सदनें च रमानदारी कन्नै कम्मकाज चली सकै। संसद दा बजट सत्र सोमवार शुरू होआ'रदा ऐ ते मंगलवार वित्तमउंत्री निर्मला सीतारमण होर लोकसभा च केन्द्रीय बजट 2024-25 पेश करगन। श्री नरेन्द्र मोदी सरकार दा एह पैहला बजट होग। बजट सत्र दरान सरकार आस्सेआ 6 नमें बिल पेश कीते जाने दी बी मेद ऐ।

<><><><><><>

CBI-NEET

केन्द्रीय पड़ताली ब्यूरो सीबीआई नै नीट-यूजी पेपर लीक मामले च होर त्रऊं जनें गी हिरासत च लैता ऐ। उंदे च दो राजस्थान दे भरतपुर मैडिकल कालेज दे विद्यार्थी न। सूत्रें मूजब एह दवै 5 मई गी नीट-यूजी परीक्षा आले दिन हजारीबाग झारखंड च मजूद हे, जेहदी तकनीकी निगरानी राएं तस्दीक बी होई गई ऐ। हिरासत च लैता गेदा त्रिया अरोपी तालमेल बनाने आला ते मदद उपलब्ध करोआने आला ऐ ते एह इस मामले दे सरगना दी बी मदद करदा रेआ ऐ।

<><><><><><>

LG-Nai Basti

भारतीय जनता पार्टी दे वरिष्ठ नेता देवेन्द्र सिंह राणा हुंदी अगुवाई च नमीं बसती दे दुकानदारें दा इक प्रतिनिधिमंडल उपराज्यपाल मनोज सिन्हा हुंदे कन्नै मिलेआ। उनें उपराज्यपाल होरें गी आखेआ जे इनें लोक प्रति हमददी आला रौह अपनाया जा। की जे शिड़क गी चैड़ा करने आले कम्में च 39 दुकानां आवा'रदियां न। उपराज्यपाल होरें प्रतिनिधिमंडल गी भरोसा दोआया जे उंदी मंगें पर ध्यान दित्ता जाग ते इस गल्ला दे जतन कीते जांगन जे उंदी आजिवीका प्रभावत नेई होए।

<><><><><><>

Jatinder Singh

पर्यावरण संरक्षण गी बढ़ावा देने दे मकसद कन्नै केन्द्री राज्यमंत्री डॉ. जितेन्द्र सिंह होरें डोडा दे खेड्ड स्टेडियम च आयोजित बूहटे लाने आली मुहिम च हिस्सा लैता। इस मौके पर उनें जम्मू कश्मीर दे जंगलात मैहकमे ते तेजस एक पैहल फाउंडेशन दे जतनें दी सराहना कीती। उनें नेह जतनें प्रति सरकार दी वचनबद्धता गी बी उजागर कीता। उनें पर्यावरण सरबंधी चुनौतिएं कन्नै निबड़ने लेई सांझे जतनें दी महत्ता पर जोर पाया।

<><><><><><>

HADP Ramban(byte)

खित्ते च पूरे पराते विकास गी बढावा देने दे मकसद कन्नै जिला प्रशासन रामबन आस्सेआ करसानें गी राई-बाई दे पूरे पराते विकास सरबंधी कार्यक्रम बारे जागरूक कीता जा'रदा ऐ। मिट्टी दे नरोएपन दी जांच सरबंधी सॉयल हैल्थ कार्ड जतन इक ऐ। इस बारे करसानें गी जानकार बनाया जा'रदा ऐ। एहदा मुख् मकसद करसानें गी मिअ्टी दी जांच कराने बारे जागरूक बनाना ते उनेंगी सेही जानकारी उपलब्ध करोआना ऐ। जांच दरान साईसदान एह पता लांदे न जे मिट्टी च केहड़े तत्व मजूद न ते इत्थें केहड़ी फसल लानी लोडचदी तां जे करसानें गी मता लाह हासल होइ सकै। रामबन दे त्रै ब्लाकें खारी, उखराल ते गांदरी ब्लाक दे करसानें च सॉयल हैल्थ कार्ड बंडे गे। इस बारे बोलदे होई करसान नै आखेआ.....बाईट

<><><><><><>

LG High Level Meet

उपराज्यपाल मनोज सिन्हा होरें कल फौज दे बड्डे अधिकारिएं कन्नै इक उच्ची सतह दी बैठक दी अध्यक्षता कीती। बैठक च फौज दे इलावा सुरक्षा ते कनून नियम नाफस करने आलिएं अजेसिएं दे आला अफसर बी मजूद हे, जिनें जम्मू प्रांतै दे मजूदा सुरक्षा हालात बारे बक्ख-बक्ख पैहलुएं पर गल्लबात कीती। मीटिंगै च सेना प्रमुख जनरल उपेन्द्र द्विवेदी, बीएसएफ दे महानिदेशक, सीआरपीएफ दे महानिदेशक, जम्मू कश्मीर पुलस महानिदेशक, खूफिया अजेसिएं दे प्रमुख ते फौज दे होर दुए आला अफसर मजूद हे। उपराज्यपाल होरें फौज, केन्द्री थेआरबंद पुलस बलें ते जम्मू कश्मीर पुलस गी आखेआ जे जम्मू प्रांतै च आतंकवाद रोधी कारवाइएं च इक दुए कन्नै नेडमा तालमेल बनाइयै कम्म करन। उनें आखेआ सादियां आतंकवाद रोधी कारवाइयां पूरी चाल्ली योजनाबद्ध ढंगै नै ते आपूं चै नेडमा तालमेल बनाइयै तोड़ चादियां जानियां लोडचदियां तां जे आतंकवाद दा सफाया करने दे कन्नो कन्नी उनेंगी समर्थन ते सैहयोग देने अपाले कन्नै बी पूरी तगड़ेयाई ते सख्ती कन्नै निबड़ेआ जाई सकै। उपराज्यपाल होरें बन्ने पारा घुसपैठ गी पूरी चाल्ली बंद करने लेई सुरक्षा ग्रिड गी होर मता निग्गर बनाने पर बी जोर दित्ता। तोआई सेनाध्यक्ष जनरल उपेन्द्र द्विवेदी होरें एहदे शा पैहले कल दिने पुलस मुख्यालय जम्मू च इक बक्खरी बैठक दी अध्यक्षता करदे होई पूरे जम्मू कश्मीर ते टकोहदा करियै जम्मू प्रांतै दी मजूदा सुरक्षा स्थिति दा जायजा लैता, चेचे तौरा पर पिछले 15एं दिनें अंदर कटुआ ते डोडा जिलें च होए दे आतंकवादी हमलें दी पछोकड़ै च।

<><><><><><>

Amarnath Yatra

श्री अमरनाथे दी यात्रा 2024 पूरी चाल्ली रमानदारी ते बवस्था आले ढंगै सिर जारी ऐ। जम्मू थमां अज्ज बडलै मूंह न्हरे 3 ज्हार 113 श्रद्धालुएं दा इक होर जत्था सख्त सुरक्षा बंदोबस्ते हेठ कश्मीर घाटी लेई रवाना होआ। जेहूदे च 2 ज्हार 315 मर्द, 692 महिलां, 4 न्याणे, 81 साधु ते 15 साध्वियां शामिल हियां जेहूडे बम बम भोले दे जयकारे लांदे 123 गड्डिएं दे कुले च जम्मू दे भगवती नगर आले आधार शिविर थमां रवाना होए। इनें श्रद्धालुएं चा 1 ज्हार 960 बडलै त्रै बजे कोला बी पैहले पहलगाम लेई रवाना होए जिसलै जे 1 ज्हार 153 श्रद्धालु बालटाल आले रस्तेया पवित्र गुफा तोड़ी जांगन। 29 जून गी शुरू होई दी यात्रा दा अज्ज 23मां ध्याड़ा ऐ जिसलै जे जम्मू थमां रवाना होने आला एह 24मां जत्था ऐ।

<><><><><><>

Advisor Amarnath Yatra

उपराज्यपाल हुंदे सलाहकार राजीव राय भटनागर होरें कल श्री अमरनाथ यात्रा दे इक आधार शिविर नूनवन दा दौरा लाया ते चला'रदी यात्रा दे इंतजामें दा जायजा लैता। दौरे दरान भटनागर होरें उनें अफसरें ते सरबंधी घडे कन्ने गल्लबात कीती जेहूडे यात्रा सरबंधी तैआरिएं ते प्रबंधें गी दिक्खा'रदे न। उनें श्रद्धालुएं लेई यात्रा गी सुचारू बनाने लेई उच्च मानकें, बेहतर सेवा, सुरक्षा ते होर दुए लोडचदे मदद उपलब्ध करोआने पर जोर पाया।

<><><><><><>

Guru Purnima

अज्ज गुरु पुन्नेआ दा पर्व मनाया जा'रदा ऐ। इसी व्यास पूर्णिमा दे नां कन्ने बी जानेआ जंदा ऐ। एह दिन आध्यात्मिक गुरुएं ते आचार्ये गी समर्पित हुंदा ऐ। इस मौके पर लोक अपने गुरुएं दे प्रति श्रद्धा-भाव प्रगट करदे न जिनें उंदा मार्गदर्शन कीता ते उंदे जीवन गी इक नमीं दिशा दित्ती। भगवान बुद्ध होरें संबोधि प्राप्त होने पर बोधगया थमां सारनाथ दी यात्रा कीती ही ते अज्जे दे दिन गै अपना पैहला धर्मोपदेश दित्ता हा। इस करियै भगवान बुद्ध हुंदे अनुयायिएं लेई अज्जै दा दिन कृतज्ञता-ज्ञापन दा दिन हुंदा ऐ। जम्मू प्रांतै दे बक्ख-बक्ख हिस्सें च बी अज्ज लोक अपने गुरुएं दे जाइयै उंदे प्रति आदर सम्मान ते श्रद्धा प्रगट करदे होई उंदा शीरवाद हासल करा करदे न।

<><><><><><>

CS-NCAP

मुख्य सचिव अटल डुल्लू होरें ब्हाऊ दी स्वच्छता बारे राष्ट्रीय कार्यक्रम एनसीएपी दी जम्मू कश्मीर च अमलावरी दे बारे च राजधानी आले शैहरें जम्मू ते श्रीनगर च हासल प्रगति दा जायजा लैने लेई इक बैठक सद्दी। इस दरान उनें सरबंघत सब्बने हितधारकें गी जोर देइयै आखेआ जे ओ इस कार्यक्रम दे मताबक ब्हाऊ दे प्रदूषण गी रोकने दे सब्बने उपाएं गी सख्ती नै लागू कीता जाना जकीनी बनान। मुख्य सचिव होरें उनेंगी पूरी संजीदगी कन्ने इत्त भेठा कम्म करने लेई आखेआ तां जे मित्थे गेदे लक्ष्यें गी समें सिर हासल कीता जाई सकै। उनें प्रदूषणनियंत्रण उपाए, निगरान सरिस्ते, गड्डिडएं ते उद्योगें कारखाने चा निकलने आले प्रदूषण पर रोक लाने, स्वच्छ प्रौद्योगिकी गी अपनाने ते जन-जागरूकता अभियानें बक्खी चेचा ध्यान देने लेई बी आखेआ।

<><><><><><>

Udhampur Polythene Free

उधमपुर दिएं डिप्टी कमीशनर सलोनी राय हुंदी दिक्ख-रिक्ख च जिले गी मोमी लफाफे थमां मुक्त बनाने लेइ इक व्यापक मुहिम चलाई गई। एडीसी जोगिन्दर सिंह हुंदी अगुवाई च इक टीम कायम कीती गई। इस दल नै केई सारी थाहरें पर मोमी लफाफे दे इस्तेमाल गी रोकने लेई कारवाई कीती। इस दरान मोमी लफाफे जब्त बी कीते गे। इस मुहिम दा मकसद मोमी लफाफे दे इस्तेमाल गी रोकना गै नेई ऐ सगुआं लोकें गी एहदे पर्यावरण पर होने आले माड़े असर बारे जानकार बनाना बी ऐ।

<><><><><><>